



Samhail Rochtana agus Chuimsithe (AIM) Faisnéis faoi Chaipiteal Leibhéal 5

An Clár Caipitil	<p>Féadfaidh soláthraí seirbhíse, i gcomhar le tuismitheoir, iarratas a dhéanamh ar threalamh, fearais agus/nó deontas caipitil i dtreo costais mhionathruithe ar an suíomh réamhscoile sa chás go meastar go bhfuil sé riachtanach agus criticiúil chun rannpháirtíocht bhríoch an linbh i gclár COLÓ a chumasú.</p> <p>Níl aon spriocdháta chun iarratais a fháil. Clár rollach a bheidh i gcaipiteal AIM.</p> <p><i>An Sainmhíniú ar Ríthábhachtach maidir le Rannpháirtíocht</i></p> <p>Meastar go bhfuil seirbhísí ríthábhachtach maidir le rannpháirtíocht i gclár COLÓ sa chás go gcomhaontaítear go réasúnta nach bhfuil an leanbh, in éagmais na seirbhísí siúd agus seirbhísí agus tacaíochtaí eile reatha nó iad siúd atá ar fáil á gcur san áireamh, in ann an méid a leanas a dhéanamh:</p> <ol style="list-style-type: none"> i. rochtain a fháil ar shuíomh na réamhscoile, ii. tús a chur le clár COLÓ, iii. leanúint le bheith rannpháirteach i gclár COLÓ, nó iv. rannpháirtíocht bhríoch a bheith aige/aici sna gníomhaíochtaí a sholáthraítear mar chuid de chlár COLÓ, <p>Comhaontaítear, anuas air sin, go gcabhróidh soláthar na seirbhísí ar leith lena chinntiú gur féidir leis an leanbh rochtain a fháil ar chlár COLÓ agus rannpháirtíocht bhríoch a bheith acu ann.</p> <p>Chun rannpháirtíocht bhríoch a bheith ag leanbh i gclár COLÓ príomhshrutha, ba cheart go gcumasófaí leanaí atá faoi mhíchumas chun a lánchumas a bhaint amach i dtaobh eispéireas a bheith acu ar scileanna agus ar dheiseanna nua, agus tabhairt faoi ghníomhaíochtaí agus idirghníomhaíocht shóisialta go gníomhach lena bpiarghrúpa.</p>
Riachtanais Íosta Incháilitheachta	<ul style="list-style-type: none"> • Suíomh cláraithe réamhscoile atá sa Soláthraí Seirbhíse faoi chonradh gníomhach de chuid an RLGÓ chun clár COLÓ a sholáthar • Cáilítear an leanbh do chlár COLÓ 2016 nó cáileofar é/í don chlár ó dháta pleanáilte an chlárúcháin óna dteastaíonn mionathruithe a chur i gcrích ina thaobh (leanaí a rugadh idir an 1 Eanáir 2012 agus an 31 Márta 2014). • Ní mór go bhfuil an leanbh i seomra COLÓ atá rannpháirteach i gClár COLÓ • Ní mór Toiliú Feasach Tuismitheora/Caomhnóra/Cúramóra a fháil • Teastaíonn deimhniú gur léigh siad an Ráiteas Príobháideachais agus na Treoirínte Iarratais • Tagann mionathruithe agus trealamh a bheartaítear faoi chuimsiú an liosta d'oibreacha foirgníochta agus de threalamh incháilithe atá á choimeád ag Pobal • Dheimhnigh an soláthraí seirbhíse go bhfuil na hoibreacha mionathraithe comhlíontach i gcónaí i dtaobh Rialacháin an Achta um Chúram Leanaí (Seirbhísí Luathbhlianta), 2016, sa chás gurb infheidhme • Deimhníonn tuairisc ghairmiúil Ailtire/Innealtóra go bhfuil na mionathruithe

	<p>comhlíontach i dtaobh Chuid M, sa chás gurb infheidhme</p> <ul style="list-style-type: none"> • Teastaíonn tuairisc ghairmiúil amháin, ar a laghad, ó ghairmí ‘ainmnithe’ atá cláraithe nó creidiúnaithe ag an gcomhlacht ábhartha gairmiúil, faoi mar a dtugtar cuntas air i dtreoirlínte an iarratais. • Baineann tuairiscí a thacaíonn leis an iarratas go díreach leis an leanbh a ainmnítear san iarratas agus leis an suíomh ábhartha réamhscoile. • Cloí le Soláthar Poiblí i gcomhréir leis na treoirlínte iarratais. • Bheith comhlíontach i dtaobh cánach de agus Deimhniú Imréitigh Cánach nó Uimhir Rochtana Imréitigh Cánach (URIC) agus Uimhir Chláraithe Cánach (UCC) atá cothrom le dáta a bheith agat 	
Saghsanna Iarratais	Mionathruithe	Trealamh
Cé atá Incháilithe?	<ul style="list-style-type: none"> • Rochtain Isteach/Amach ó shuíomh na réamhscoile • Rochtain go dtí/ó limistéir súgartha • Athchumrú limistéir leithris/friothála • Athchumrú laistigh de sheomra COLÓ chun éascaíocht rochtana agus spás ciúin a éascú • Eile (mionathruithe nach dtagann faoi chuimsiú na saghsanna mionathruithe thuas) <p>Féadtar a áireamh le mionathruithe daingneáin, feistis, agus landairí (seasta agus iniompartha) sa chás gur cuí. Sa chás go n-áirítear le mionathruithe gné threalaimh a thagann faoi chuimsiú an liosta de threalamh incháilithe, chomh maith, (féach an liosta thíos), iarrtar ort iarratas a dhéanamh ar mhionathrú agus ar threalamh araon laistigh den iarratas amháin sin.</p>	<ul style="list-style-type: none"> • Trealamh do leanaí atá dall/ar a bhfuil lagú amhairc nó atá bodhar/leathbhodhar; • Trealamh do leanaí atá faoi gach saghas eile de mhíchumas <p><i>Féach an Liosta Trealamh Incháilithe thíos</i></p>
An Deontas	<p>Deontas Uasta Iomlán €7,000 (CBL san áireamh)</p> <ul style="list-style-type: none"> • Oibreacha mionathruithe a mhéid le €7,000 • Táillí gairmiúla a mhéid le €300 <p>Mionathruithe agus táillí gairmiúla i dteannta a chéile – ní féidir leis an méid a iarrtar €7,000 a sháru (CBL san áireamh)</p>	<p>Neamhbhainteach, déanfar trealamh a bhronnadh tríd an soláthar díreach a bhainistíonn Pobal</p>
Cáipéisí a Iarrtar	<p>Mionathruithe – Teastaíonn tuairisc amháin ghairmiúil ‘ainmnithe’, ar a laghad, ó:</p> <ul style="list-style-type: none"> • Ailtire • Innealtóir • Teiripeoir saothair a oibríonn le haghaidh FSS nó thar ceann FSS • An gairmí sláinte agus cúraim shóisialta eile sin a fhéadfaidh Pobal a aithint, i gcomhairle leis an Roinn Leanaí agus Gnóthaí Óige agus an Roinn Sláinte, chun críocha na scéime seo 	<p>Trealamh do leanaí atá dall/ar a bhfuil lagú amhairc nó atá bodhar/leathbhodhar: Teastaíonn tuairisc ó ghairmí ‘ainmnithe’ amháin, ar a laghad ó:</p> <ul style="list-style-type: none"> • Múinteoir ar Cuairt de chuid na Roinne Oideachais agus Scileanna (an ROS); nó • Teiripeoir saothair a oibríonn le haghaidh FSS nó thar ceann FSS; nó • Teiripeoir urlabhra agus teanga a oibríonn le haghaidh FSS nó thar ceann FSS.

	<p><i>I ngach cás, ní mór go mbaineann an Tuairisc Ghairmiúil:</i></p> <ul style="list-style-type: none"> • Go sonrach le leanbh ainmnithe • Go sonrach leis an suíomh réamhscoile ar a bhfuil an leanbh ag freastal <p><i>(Féach Treoirínte maidir le hlarratas ar Chaipiteal AIM chun teacht ar bhreis sonraí, le do thoil)</i></p>	<p>Trealamh do leanaí atá faoi gach saghas eile de mhíchumas:</p> <p>Teastaíonn tuairisc ó ghairmí ‘ainmnithe’ amháin, ar a laghad ó:</p> <ul style="list-style-type: none"> • Teiripeoir saothair a oibríonn le haghaidh FSS nó thar ceann FSS; nó • Fisiteiripeoir a oibríonn le haghaidh nó thar ceann FSS; nó • Teiripeoir urlabhra agus teanga a oibríonn le haghaidh nó thar ceann FSS; nó • An gairmí sláinte agus cúraim shóisialta eile sin a fhéadfaidh Pobal a aithint, i gcomhairle leis an Roinn Leanaí agus Gnóthaí Óige agus an Roinn Sláinte, chun críocha na scéime seo <p><i>(Féach Treoirínte maidir le hlarratas ar Chaipiteal AIM chun teacht ar bhreis sonraí, le do thoil)</i></p>
Íocaíocht	90% i ndiaidh Conradh a shíniú 10% i ndiaidh tuairisc ar chaiteachas a sheoladh ar aghaidh	Neamhbhainteach – Soláthróidh Pobal gach áis agus fearas go díreach. Beidh an úinéireacht ag Pobal thar ceann an RLGÓ ar gach trealamh (áiseanna agus fearais) a sholáthraítear faoi AIM.
Riachtanais Chonartha	Comhaontú Deontais	Comhaontú Caighdeánach Oibríochtúil

Áiseanna agus Trealamh atá Incháilithe do Chistiú

Catagóir	Cur Síos
Rampa Iniompartha	Rampaí iniompartha nó sealadacha de shaghas tairsí
Cathaoireacha Speisialaithe	Cathaoireacha inchoigeartaithe ag a bhfuil oiriúintí – i.e. tacaí coise, tacaí uillinne, tacaí droma, suíocháin choirre, cúisíní peilbheacha. Binsí inchoigeartaithe, chomh maith.
Tábla Friothála/Binse Altranais	Tábla friothála nó binse altranais le hairde inchoigeartaithe.
Crocháin agus Guailleáin	Crocháin agus guailleáin shoghluaiste chun leanaí a aistriú.
Tacaí Suite	Cathaoireacha cúinne, dingeacha, rollaí, cúisíní gluaiseachta agus suite
Tacaí Leithris	Tacaí leithris, ar nós an mhéid a leanas; suíocháin oiriúnaithe leithris, cúisíní taca leithris, tacaí uillinne agus coise inchoigeartaithe, laghdaitheoirí fáinne cró, suíochán os cionn an leithris, pota beag agus cathaoir leithris aonair ar a bhfuil tacaí uillinne agus coise.
Earraí a bhaineann le Teiripe	Mataí teiripe Earraí chun cothromaíocht nó comhordú a fhorbairt (liathróidí teiripe / pis talún, etc.) Earraí ilchéadfacha.
Earraí oiliúna coisíochta, áiseanna seasaimh agus frámaí seasaimh	Earraí oiliúna coisíochta atá deartha chun cothromaíocht a fhorbairt agus cabhrú le leanaí chun foghlaim conas siúl gan chabhair. Áiseanna seasaimh agus frámaí seasaimh chun tacú le leanaí atá thíos le saincheisteannta suntasacha luaineachta chun seasamh ar feadh tréimhsí i gcaitheamh an lae.
Teicneolaíocht agus Trealamh	Trealamh do dhaltaí ar a ndearnadh measúnú amhail lagú amhairc nó

Cúnta do leanáí atá bodhar/leathbhodhar nó atá dal/ar a bhfuil lagú amhairc.	éisteachta bheith orthu óna dteastaíonn trealamh speisialaithe d'fhonn rochtain a fháil ar churaclam COLÓ.
Earraí Dúblacha	Go ginearálta, ní bheidh earraí a theastaíonn ó leanbh lasmuigh de shuíomh COLÓ incháilithe faoin scéim seo. Sa chás go bhfuil píosa trealaimh ríthábhachtach maidir le rannpháirtíocht linbh i gclár COLÓ ach nach féidir é a iompar ón mbaile, d'fhéadfadh earra dúblach a bheith incháilithe.
Ábhar súgartha agus foghlama	Cé go mbeidh súil leis go bhfuil réimse bréagán agus ábhar foghlama i suíomh COLÓ atá oiriúnach do gach leanbh, leanáí ina measc nach bhfuil an fhorbairt chéanna déanta acu i roinnt limistéir forbartha atá déanta ag a bpiaraí, d'fhéadfadh bréagáin oiriúnaithe agus ábhar foghlama a bhaineann le teiripe a bheith incháilithe faoin scéim seo.
Eile	Ba cheart iarratas a dhéanamh ar threalamh nach bhfuil liostaithe faoi na catagóirí thuas faoin gcatagóir seo. Déanfar breithniú ar bhonn cás ar chás ar threalamh a ndéantar iarratas air faoi "Eile". Bainfear cinntí cistithe amach bunaithe ar an ábhar tacaíochta a sholáthraítear.

Próiseas Iarratais ar Chaipiteal Leibhéal 5 - na Céimeanna

Réamhiarratas

- Gabh tríd an Seicliosta
- Cinntigh go bhfuil toiliú tuismitheora agat chun iarratas a sheoladh ar aghaidh
- Ullmhaigh an fhaisnéis agus an cháipéisíocht atá le seoladh leis an iarratas

Iarratas ar Líne

- Logáil isteach sa PIP (beidh foirmeacha iarratais ar fáil ón 24 Meitheamh ar aghaidh, **ní bheidh spriocdháta i gceist**)
- Comhlánaigh an fhoirm iarratais ar líne i gcomhar leis an tuismitheoir
- Ceangail an fhaisnéis/na tuairiscí tacaíochta etc.

Breithmheas an Iarratais

- Seolfar ríomhphoist aitheanta chugat a luaithe a shanntar d'iarratas d'fhoireann AIM Pobal
- Déanfaidh Pobal athbhreithniú ar d'iarratas, agus féadfaidh sé teagmháil a dhéanamh leat chun soiléiriú nó breis faisnéise a fháil.
- A luaithe a bhaintear cinneadh amach, seolfaidh Pobal litir faofa chugat nó cuirfidh sé ar an eolas thú sa chás nár éirigh le d'iarratas.

Cinneadh

- Déanfaidh Pobal teagmháil leat le cinneadh
- Mura bhfaomhtar thú le haghaidh cistiú, féadfaidh tú aiseolas nó athbhreithniú ar an gcinneadh a lorg

Íocaíochtaí agus Conrú

- Má fhaomhtar thú agus ag brath ar cé acu an bhfuil an deontas le haghaidh mionathruithe nó trealamh, eiseofar comhaontú deontais nó Comhaontú Caighdeánach Oibriúcháin don tseirbhís.
- I dtaobh mionathruithe – déanfar 90% den chéad íocaíocht i ndiaidh comhaontú sínithe deontais a fháil agus íocfar an 10% deiridh nuair a fhaightear tuairisc um chaiteachas deiridh a léiríonn gur caitheadh 100% den chistiú.
- I dtaobh deontais trealamh – próiseálfaidh Pobal an t-ordú go díreach le FSS agus cuirfidh sé ar an eolas thú cathain ar cheart duit súil a bheith agat an trealamh a fháil.